



Na osnovu Uputstva o postupku i kriterijima za odobravanje i dodjelu (refundaciju) finansijskih sredstava namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima i dijela marketinških troškova za proizvode nagrađene na sajamskim manifestacijama, na koje je Vlada Zeničko-dobojskog kantona dala saglasnost Zaključkom, broj: 02-14-10981/17 od 27.07.2017. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu, raspisuje

### JAVNI POZIV

**za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima i dijela marketinških troškova za proizvode nagrađene na sajamskim manifestacijama**

1. Pozivaju se privredni subjekti male privrede (MSP - po definiciji) (pravna i fizička lica iz područja djelatnosti C ili D-Prerađivačka industrija, prema Standardnoj klasifikaciji djelatnosti), koji su registrovani i funkcioniraju na području Zeničko-dobojskog kantona, da podnesu Zahtjev za odobravanje i dodjelu (refundaciju) nepovratnih sredstava obezbjeđenih za subvencioniranje uvođenja i certifikacije sistema za upravljanje kvalitetom po međunarodnim standardima. U skladu sa Zakonom o poticanju male privrede („Službene novine Zeničko-dobojskog kantona“ broj: 7/16), malu privredu čine subjekti male privrede, fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, registrovani kod nadležnog organa, bez obzira na oblik organizovanja i koji:
  - a) su samostalni u poslovanju,
  - b) zapošljavaju prosječno godišnje manje od 250 lica, i
  - c) ostvaruju godišnji prihod manji od 97.500.000,00 KM i/ili čiji je bilans stanja manji od 84.000.000,00 KM.

Pravo korištenja ovog poticaja imaju privredni subjekti koji prvi put realiziraju certifikaciju, te nemaju pravo na poticaj kod recertifikacije.

Također, pozivaju se privredni subjekti (pravna i fizička lica) iz područja proizvodnih djelatnosti registrovana u Zeničko-dobojskom kantonu, koji u propisanoj proceduri na domaćim ili ino - sajmovima dobiju priznanje (medalju za kvalitet) za svoj proizvod, da podnesu Zahtjev za odobravanje i dodjelu (refundaciju) nepovratnih sredstava obezbjeđenih za subvencioniranje dijela marketinških troškova za proizvode nagrađene na sajamskim manifestacijama.

Pravo na korištenje poticaja nemaju privredni subjekti, u slučaju da su registrovani kao dopunska djelatnost. Jedan korisnik poticaja može koristiti najviše dvije vrste poticaja Ministarstva za privredu u tekućoj budžetskoj godini, ali pod uslovom da ukupno dobijeni iznos ne prelazi 50.000,00 KM.

2. Privrednom subjektu, koji uvede i certificira sistem upravljanja kvalitetom po međunarodnim standardima, nakon uredne prijave i odlučivanja, odobrit će se poticaj u zavisnosti od vrste standarda i broja uposlenih, kako slijedi:

UVEDEN I CERTIFICIRAN MEĐUNARODNI STANDARD	BROJ ZAPOSLENIH U PRIVREDNOM SUBJEKTU VISINA POTICAJA								
	MIN. 5	6 DO 15	16 DO 30	31 DO 50	51 DO 75	76 DO 100	101 DO 125	126 DO 150	PRE- KO 151
HACAP i HALAL	5.000 KM	6.000 KM	7.000 KM	8.000 KM	9.000 KM	10.000 KM	11.000 KM	12.000 KM	13.000 KM
CERTIFIKACIJA PROIZVODA, CE ZNAK i FSC	15.000 KM	15.000 KM	15.000 KM	15.000 KM	15.000 KM	15.000 KM	15.000 KM	15.000 KM	15.000 KM

U toku jedne budžetske godine korisnik ima pravo na subvenciju samo jednog certificiranja.

U slučaju višegodišnjeg korištenja ovog poticaja maksimalni iznos koji se može odobriti i isplatiti jednom korisniku sredstava iz ovog programa poticaja je 50.000,00 KM.

3. Proizvođaču za proizvode nagrađene na sajamskim manifestacijama, će se, nakon uredne aplikacije i procedure utvrđivanja, odobriti sredstva u jednokratnom iznosu od 300,00 do 500,00 KM po proizvodu za koji je dobivena medalja kvaliteta, kako slijedi:

- 1) Za zlatnu medalju – 500,00 KM po proizvodu
- 2) Za srebrnu medalju – 400,00 KM po proizvodu
- 3) Za bronzanu medalju – 300,00 KM po proizvodu

4. Uz zahtjev za odobravanje poticajnih sredstava za međunarodne standarde, privredni subjekt je dužan dostaviti slijedeće priloge:

- Original ili ovjerenu kopiju certifikata izdatog od međunarodno priznatog certifikacijskog organa,
- Interno ovjeren Poslovnik kvaliteta,
- Bilansa stanja i Bilansa uspjeha za prethodnu godinu;
- Spisk uposlenih izdat od strane nadležnog organa, ne starije od 90 dana u odnosu na dan podnošenja zahtjeva;
- Ovjerenu kopiju dozvole za obavljanje djelatnosti ili adekvatan akt nadležnog organa,
- Original ili ovjerenu kopiju Uvjerenja o broju uposlenih, izdato od PIO/MIO, ne starije od 90 dana, računajući od dana podnošenja Zahtjeva,
- Original ili ovjerena pojedinačna Uvjerenja o uredno izmirenim javnim prihodima, ne starija od 90 dana u odnosu na dan podnošenja zahtjeva,
- Originali ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona izdatog od strane Ministarstva finansija, ne starija od 90 dana u odnosu na dan podnošenja zahtjeva,
- Uvjerenje komercijalne banke da je žiro račun proizvođača aktivan, ne starije od 90 dana u odnosu na dan podnošenja zahtjeva,
- Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).

Uz zahtjev za odobravanje poticaja za dodjela (refundacija) dijela marketinških troškova za proizvode nagrađene na sajamskim manifestacijama nakon 01.01.2016.god., proizvođač dostavlja priloge, kako slijedi:

- Original ili ovjerenu kopiju Odobrenja za obavljanje proizvodne djelatnosti ili odgovarajući akt izdat od nadležnog organa,
- Original ili ovjerenu kopiju priznanja – medalje, dobivenog od organizatora sajamske manifestacije na jednom od službenih jezika u Bosni i Hercegovini,
- Original ili ovjerena pojedinačna Uvjerenja o uredno izmirenim javnim prihodima, ne starija od 90 dana u odnosu na dan podnošenja zahtjeva,

- Original ili ovjerenu kopiju Uvjerenja o uredno izmirenim financijskim obavezama prema Budžetu Zeničko-dobojskog kantona, ne starije od 90 dana u odnosu na dan podnošenja zahtjeva,
  - Uvjerenje komercijalne banke da je žiro račun proizvođača aktivan, ne starije od 90 dana u odnosu na dan podnošenja zahtjeva,
  - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
5. Komisija razmatra Zahtjeve investitora, te cijeni ispunjenost uslova i kriterija za odobravanje sredstava.  
Izveštaj Komisija dostavlja ministru Ministarstva za privredu, koji će biti objavljen na web stranici Vlade Kantona.
6. Na osnovu Izveštaja Komisije, Ministarstvo za privredu će predložiti Vladi Kantona donošenje Odluke o odobravanju subvencioniranja troškova uvođenja i certifikacije sistema za upravljanje kvalitetom prema međunarodnim standardima i dijela marketinških troškova za proizvode nagrađene na sajamskim manifestacijama.
7. Vlada Kantona, može opozvati donesene odluke, zavisno od dinamike priliva budžetskih sredstava tokom godine, a prednost u odobravanju sredstva poticaja ima onaj korisnik koji u posljednje tri godine nije koristio poticajna sredstva od strane Ministarstva. Korisnici poticaja Ministarstva u prethodne tri godine eventualno će biti rangirani zavisno od visine dobijenih poticajnih sredstava.
8. Na osnovu donesene Odluke o subvencioniranju troškova, Ministarstvo za privredu će Ministarstvu finansija podnijeti Nalog za isplatu, odnosno refundaciju troškova uvođenja i certifikacije sistema za upravljanje kvalitetom i dijela marketinških troškova za proizvode nagrađene na sajamskim manifestacijama.
9. Javni poziv ostaje otvoren 60 dana od dana objavljivanja u "Našoj riječi", odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.10.2017.godine do 16 sati.
10. Zahtjeve za odobravanje subvencioniranja troškova uvođenja i certifikacije sistema po međunarodnim standardima i dijela marketinških troškova za proizvode nagrađene na sajamskim manifestacijama, privredni subjekti trebaju dostaviti, na adresu:

ZENIČKO-DOBOJSKI KANTON

Ministarstvo za privredu

KOMISIJA ZA OCJENU ZAHTJEVA ZA SUBVENCIONIRANJE UVOĐENJA I  
CERTIFIKACIJE SISTEMA ZA UPRAVLJANJE KVALITETOM PO MEĐUNARODNIM  
STANDARDIMA I DIJELA MARKETINŠKIH TROŠKOVA ZA PROIZVODE NAGRAĐENE  
NA SAJAMSKIM MANIFESTACIJAMA

Kučukovići br. 2

72 000 Zenica

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: [min.privreda@zdk.ba](mailto:min.privreda@zdk.ba), te na web stranici: [www.zdk.ba](http://www.zdk.ba).